

ditionis popularis laude h. e. elegantis vitæ & optimarum rerum scientiæ & usus, nisi qui his humanitatis litteris ad eam fuerit formatus & exultus. Egregia scilicet elegantia, quæ nihil differat a cuiusvis de circulo operarii virtute & laude, quam petere statim poteras ex quavis taberna! Et hujus comparandæ causa novas nunc condunt scholas & tantis sumtibus alunt? Has celebrant & populari doctrina liberalissimisque artibus & studiis affluere dicunt? Quam rectius fuerat, & seculi nostri genio, doctrinæ sumtibus parcendis maxime intento, accommodatius, uti eodem bono, in scholis haud magnis impensis parabili, ibique habere humanitatis litteras doctrinæ popularis administras elegantissimas & comites, e quarum contubernio reportari poterant præclaræ rei rusticæ, militaris, negotialis artificialisque ornamenta.

Quid igitur impedit, quo minus constare possit in scholis doctrinæ litterariæ & popularis vinculum & conservari societas? Quid tandem? nil nisi vanum istud ineptæ latinitatis & graecitatis terriculum. Nam ipsæ quidem litteræ latinae & graecæ vel maxime sunt populares, nec quenquam male habere possunt, propterea quod iis continetur & traditur quicquid in vita elegans habetur, præclarum & utile.

Sed de hoc quidem plura dicentur a nobis in oratione, *memo-  
riæ Gehlerianæ* in Gymnasio recolendæ, sacra, cuius argumentum  
in ipso hujus scholasticæ quæstionis ingressu supra indicavimus.  
*Magnificum* igitur *reip. Senatum*, *summe reverendos Sacerdotes*, *Am-  
plissimos Gymnasii Magistros & Collegas & omnes rei scholasticæ Fau-  
tores*, submisse, reverenter officioseque rogo, ut, si & possint & ve-  
lint, sua præsentia & me dicentem honorent & tres chori Sympho-  
niaci Alumnos:

*Carol. Traugott Hoffmannum,*  
*Christian. Traugott Ullmannum,*  
*Jo. Frid. Samuel. Schmidtum,*

} Gorl.

istum quidem primum: *de molli teneroque in studiis litterarum sensu*, alterum illum: *de scriptorum ingeniosorum venustate bonis moribus per-  
iculosa*, tertium hunc: *de studio matheſeos virtutis quodam admini-  
culo*, patrio sermone deinceps declamaturos benevole indulgenter-  
que audiant. Quodſi iis licuerit & commodum sit, convenient cra-  
ftina luce die XVII. Dec. hora nona in acroaterio primi ordinis.  
P. P. d. XVI. Dec. 1773.

